



## სააპელაციო საბჭოს გადაწყვეტილება № 13

2018 წ. " 10 " 10

ქ.თბილისი

შპს დავით ტვილდიანის სახელობის სამედიცინო უნივერსიტეტის საზოგადოებრივი საქეთნო კოლეჯის სააპელაციო საჩივრის მიღების შესახებ

2018 წლის 4 ოქტომბერს სააპელაციო საბჭოს წარედგინა შპს დავით ტვილდიანის სახელობის სამედიცინო უნივერსიტეტის საზოგადოებრივი საქეთნო კოლეჯის №01-68 სააპელაციო საჩივარი (ცენტრში რეგისტრაციის №1274057) პროფესიული საგანმანათლებლო დაწესებულებების ავტორიზაციის საბჭოს 2018 წლის 7 სექტემბრის №153 გადაწყვეტილების მიმართ. კერძოდ, სააპელაციო საჩივარი ეხება შპს დავით ტვილდიანის სახელობის სამედიცინო უნივერსიტეტის საზოგადოებრივი საქეთნო კოლეჯისათვის „საქეთნო განათლების“ მეხუთე საფეხურის პროფესიული პროგრამის დამატებაზე უარის თქმის შესახებ გადაწყვეტილებას. საჩივრით მოთხოვნილია გადაწყვეტილების მიღება პროფესიული საგანმანათლებლო დაწესებულებების ავტორიზაციის საბჭოსათვის საკითხის ხელახლა განსახილველად დაბრუნების შესახებ.

სააპელაციო საბჭომ, ზეპირი მოსმენის გარეშე განიხილა სააპელაციო საჩივრის მიღების საკითხი, გაეცნო წარმოდგენილ მასალებს, მიიჩნია, რომ საჩივარი პასუხობს საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 26<sup>3</sup> მუხლის პირველი და მე-2 პუნქტების მოთხოვნებს და ამავე დებულების 26<sup>3</sup> მუხლის მე-3 პუნქტის შესაბამისად,

### საბჭომ გადაწყვიტა:

1. მიღებულ იქნას შპს დავით ტვილდიანის სახელობის სამედიცინო უნივერსიტეტის საზოგადოებრივი საქეთნო კოლეჯის №1274057 სააპელაციო საჩივარი.
2. დაევალოს სააპელაციო საბჭოს სამდივნოს გადაწყვეტილების დაინტერესებული მხარეებისათვის გაცნობის უზრუნველყოფა.
3. სააპელაციო საბჭოს გადაწყვეტილების გასაჩივრება შესაძლებელია მისი გაცნობიდან ერთი თვის ვადაში, ქ. თბილისის საქალაქო სასამართლოს ადმინისტრაციულ საქმეთა კოლეჯიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი, მე-12 კილომეტრი №6.

თავმჯდომარე  
წინო ოკრიბელაშვილი